

Mazarin  
2836

La Povrpre Ensanglantee


**RARE BOOK  
COLLECTION**



**THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL**

Mazarin  
2836

UNIVERSITY OF N.C. AT CHAPEL HILL



00023007354



LA  
POVRPRE  
ENSANGLANTEE.

A PARIS!

---

M. DC. XLIX.

70

70



POVRP E  
ENSAIGLANTER  
L A R

A P A R I S  
M. DC. XLIX

70  
70





# LA POVRPRE *ensanglantée.*



E suis assez pardonnable, si  
parmy tant de passions que ie  
vois couler dans l'esprit des  
peuples, ie me vois contraint  
de donner l'effor à ma plume,  
pour la laisser voler par tout où elle voudra,  
& si ne me trouuant pas assez fort pour la  
retenir, ie luy laisse la liberté d'escrire &  
& de se plaindre de ma mauuaise fortune.  
Après qu'Ouide eut esté relegué parmy des  
peuples barbares pour auoir offensé Cesar,  
il ne luy reste pour toute consolation que  
la franchise d'exercer son genie, & d'auoir  
recours à ses vers qui luy seruient de reuela-  
tion iusqu'à la fin de sa vie. Puisque le temps  
est si miserable qu'il semble que tous les  
siecles passez nous ont fait heritiers des



4

mal-heurs qui les ont troublez , & que si nous ne les ressentons pas tous entiers, au moins en auons nous quelq; eschantillon de chacun; pourquoy trouuera t'on estrange, si ie cherche quelque moyen pour me soulager, & si voyant la France dans vn danger si considerable, ie tasche de tromper en quelque sorte mes pensées, & à les adoucir le mieux que ie puis. A quoy la necessité peut-elle contraindre les hommes; car s'il est vray que les Arts ne sont inuen-  
tez que par elle, quand elle vient à nous at-  
taquer, est-ce faire mal à propos, si l'on s'efforce de la repousser, iamais on n'en a tant veu dans la France que l'on y en souf-  
fre maintenant, & pour ne point repeter ce qui a esté desia dit plusieurs fois, ie di-  
ray que si l'on veut se donner la peine de ietter les yeux sur toutes sortes de maux, il se trouuera qu'il ne s'en est point encore  
pratiqué de plus tragiques n'y de plus san-  
glans que l'on en exerce à cette heure. De sorte qu'il semble que nous pouuons dire iustement que le moindre excez est le car-  
nage & le sang, qui courant par les villes  
&



& par les campagnes comme des ruisseaux dans leurs sources ensanglantent tout, & ne laissent rien qui ne soit teint de cette piteuse couleur. Mais quelle est la cause de tant de mal-heur? il faudroit ne iouir d'aucun des sens naturels pour ne pas auoir vne connoissance asseurée, ou pour parler comme les Philosophes, vne veritable science, de ce qui s'est fait, & se fait encore en plusieurs endroits du Royaume, & pour ne confesser pas sans doute que cela procede pour vne personne toute couuerte de pourpre, à l'exterieure, & de sang au profond du cœur. Le premier Pontife qui honora les Cardinaux de la pourpre, les veult obliger de ce don pour vne consideration tres-loüable, car comme il n'y a point de couleur si belle ny si exclante, & qu'elle represente le plus noble des Elemens par son esclat & par sa splendeur, il vouloient témoigner par là que leur dignité surpassoit toutes les autres condictions les plus retenues de l'Eglise, comme estant celle d'où les Papes immediatement sont tirez, & que ceux qui en sont couverts doivent e-



stre comme des chandeliers à sept branches , pour tousiours braiser dans l'Eglise , par les bonnes actions & par les vertus. Mais , ô chose deplorables ! L'abus c'est tellement glissé dans les cœurs , que profanant cette belle pourpre , la pluspart de ceux qui en sont reuestus , ne la portent que par ostentation & pour s'emparer dans les iours des Rois ; estans seulement Cardinaux par vn titre qu'ils ont emprunté , & duquel ils ne se rendent aucunement dignes. Telsmoin est ce Cardinal , lequel pour supporter l'heresie , alla luy mesme attaquer la ville de Rome , bien qu'il eust en soy comme vn presage asseuré que sa vie y demeureroit , & de fait pensant empourprer les autres de sang , il y versa luy mesme le sien , & fut iustement puny par la main de Dieu tout puissant. Iuste Ciel que ne priez vous encore aujourd'huy la temerité d'un prophane , qui n'ayant point de respect de la Diuinité , se pare de vostre pourpre comme vn Paon de sa queue , & veut taseher d'esbloüir les yeux des mortels , & faites de luy comme Iupiter fit de Phaeton ,



en le consommant au milieu des flammes,  
 puis qu'il ayme tant ce beau lustre, & cet-  
 te couleur éclatante, la vray image du  
 feu qu'il merite, qu'il la va mesme cher-  
 cher iusque en nostre Sang. La femme d'un  
 Philosophe se promenant vn iour sur le  
 bord de l'Ocean, apperçeut que son chien  
 auoit le museau teint d'une couleur qu'el-  
 le n'auoit iamais veüe, & comme les  
 choses nouuelles plaisent ordinairement,  
 elle en fut tellement charmée, qu'elle vou-  
 lut sçauoir d'où cet animal l'auoit prise;  
 Enfin elle reconneut qu'elle venoit du sang  
 d'un poisson, ce qui luy fit desirer d'auoir  
 vne robbe en cette couleur, de sorte qu'el-  
 le importuna tellement son mary, que pour  
 contenter son ambition il se mit en deuoir  
 de luy en faire teindre vne, qui fut iugée si  
 belle & si precieuse; qu'on la depuis esti-  
 mée la plus riche sur toutes les autres cou-  
 leurs; Les Egyptiens & quelques autres  
 peuples avec eux s'en sont seruis pour por-  
 ter le duëil, iugeant raisonnablement qu'el-  
 le auoit en soy quelque representation de  
 meurtre & de cruauté, estant de la mesme



couleur que le sang; comme de fait ç'a esté  
 du sang qu'elle a pris son estre & son origi-  
 ne. La France aujourdhuy deuroit bien re-  
 prendre cette premiere couleur, puisque  
 cette pourpre luy est si fatale, qu'il semble  
 que ceux qui veulent mal traiter les enfans,  
 se placent & font vanité de s'en reuestir, ce  
 seroit trop souvent ramener nos mal-  
 heurs, que deuolloir recourir icy sur tou-  
 tes les calamitez de ce grand Royaume,  
 qui ont esté veritablement si sanglantes  
 qu'elles font presque mourir d'horreur ceux  
 qui se les veulent remettre en memoire;  
 & comme les grandes afflictions nous pres-  
 sent plus puissamment qu'elles ne nous ap-  
 portent de maux, il nous est encore extre-  
 mement difficile de ne nous pas resouuenir  
 de nos pechez, puisque mesme à cet'heu-  
 re nous n'en sommes pas si bien releuez,  
 qu'il ne nous en reste beaucoup. Nous ne  
 scaurions ouurir les yeux pour regarder de  
 quelque costé que ce soit, que nous ne  
 trouuions des obiets assez pitoyables pour  
 émouuoir à pitié, les Tygres, les Lyons, les  
 Ours, & tous les autres animaux plus fa-

rou-



rouches que la nature ait iamais produits. Les histoires nous font voir que les Lyons se sont abstenus bien souuent de se tréper dans le sang des hommes, ils ne voulurent pas toucher Daniel qu'on leur auoit ietté dans la fosse, pour leur seruir de curée, vn seruiteur, Romain fugitif trouua de la courtoisie & de la douceur dans vn Lyon affamé qu'on auoit l'asché sur luy pour le deuorer & ce prodige arriua en recognoissance d'vn bien qu'il luy auoit fait. Mais ô : monstre horrible & espouuantable, il nous a priué bien d'autre sorte, car celuy l'à mesme qui s'est non seulement rassasié, mais saoulé de nostre substance, ne se contente pas de nous auoir espuisez en sorte, que nous ne sçaurions plus où puiser, si ce n'est dans la source des calamitez, il veut encore paroistre à nos yeux cōme vn spectacle de peine & d'horreur, & nous faire voir malgré nous l'image du sang qu'il a tiré de nos veines, & qu'il a fait couler en plusieurs endroits, & de la mesme façon que toutes les eaux tendent à la mer, il semble que nostre sang se va ietter dessus luy pour colorer & ses ha-



bits & son cœur. Ne m'est-il pas donc permis de luy dire ce qu'une grande Reine autrefois disoit à Assiusus, rassasie toy de l'or & du sang que tu as désiré d'auoir avec tant d'ardeur, empourpré non seulement ton cœur de nos funeraillles, mais fais entreindre encore la robe, que ton bonnet en exelatte, que ton manteau te serue comme d'un ruisseau pour te baigner dans le sang. Mais il me semble que ie rencontre quelque sorte de consolation dans mon desespoir, car ce qui me sert maintenant d'obiet pour me faire plaindre & soupirer iustement, c'est que j'apperçois sur d'autres espaulles vne pourpre plus riche & plus esclatante, qui doit quelque iour seruir à nous soulager. Et comme dans la medecine bien souuent ce qui nous a fait le mal, sert à nous guerir, aussi peut-on croire avec vne assez iuste raison qu'une pourpre incomparablement plus benigne que celle cy n'est nuisible, doit apporter du soulagement à nos maux, & par vne antipatie admirable elle nous fera recouurer ce que nous auions perdu miserablement. Ou bien plustost ie veux



m'asseurer que la blancheur de nos Lys, osterà quelque iour la tache qui nous a souilleez depuis quelques mois & que l'innocence de nostre ieune Monarque sera quelque iour la cause, que le Ciel perdant le desir que peut estre il auoit eu de nous perdre, nous reestablira dans nostre premiere fortune, & que faisant vn euanoüir de nos yeux toute autre couleur qui pourroit nous estre miserable, & il n'y laissera plus desormais que l'incarnat, le blanc & le bleu, qui s'estoient comme presque retirez de nous.

F I N.



monstres que la blancheur de nos Lys  
offra depuis iceux la tache qui nous a  
souillez depuis quelques mois de que l'on  
noce de notre jeune Monarque  
quelque jour la cause, que la Ciel ordonne  
le bien que peut estre il arrivera de nous  
perdre, nous establis dans nos provinces  
re former & que l'aine en chanter de  
nos jours nous avons content d'un bonnoir  
nous estre misable, & il n'y a rien plus  
d'homme que l'homme, le bien & le bien  
qui estoient comme depuis l'iceux de  
nous

F I N







